



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 58. Adrianus Metayerus ab Universitate Parisiensi exclusus.

[urn:nbn:de:hbz:466:1-66800](#)

textum ex S. literis producant, quo Sæcul. XVI.
contraria stabilitur doctrina: inde vero A. C. 1560.
concludit, quod magis proni fuerint ad
damnandum, quam ad docendum, cum
tamen docere proprium sit Doctoris
officium.

§. LVIII.

*Adrianus Metayer a Facultatis con-
sortio exclusus,*

Die vigesima sexta ejusdem Mensis Argentr.
Julii Facultas rursus conventum t. 2. p. 288.
habuit propter quoddam Senatus edi-
ctum, quod ad preces Adriani Metayeri
seu Messoris ex ordine Fratrum Eremitarum D. Augustini Doctoris, qui juri-
bus suis restitui postulabat, die vigesima
septima Junii fuit promulgatum. Itaque
Facultas quibusdam testimoniis, quæ
nobiles viri Stephanus Prudhomme,
& Stephanus Patris, in supremo Senatu
Rothomagensi consiliarii, & Frater Tho-
mas Laurentius Doctor Theologus, ac
generalis fidei inquisitor contra præ-
fatum fratrem Adrianum fecerant, probe
inspectis, attentoque diplomate Julii
tertii summi Pontificis, quo præcipitur
dictæ facultati, ut neminem, vel etiam
de hæresi suspectum in suum consortium
admittat, & admissum sine strepitu
judicii a suo consortio ejiciat, aliisque
omnibus visis, & mature consideratis,
quæ

Sæcul. XVI.
A.C. 1560.

quæ videnda, & consideranda erant, pronuntiabat dictum fratrem Adrianum in consortium dictæ facultatis non admittendum, prout eum non recipit, nec admittit, illum tamen fraterne hortatur, ut ad Conventum suum se conferat, ibidemque sancte, & Religiose conversetur, ut ejus conversationem omnes possint imitari, sicque contra eum jure exorta sinistra suspicio, quæ de eo ob Religionem fuit concepta, omnino sopiaitur: porro jam alibi ipsas retulimus propositiones, propter quas hic Doctor a Facultate fuit proscriptus.

Vid. lib.
CXLII.
§. 15.

Argent.
pag. 289.

§. LIX,
Alicet ejusdem Facultatis censura.

Eadem Facultas die vigesima sexta Mensis Octobris quinque alias damnabat propositiones, quæ a Guilielmo Bosseto Bisuntinæ Ecclesiæ Canonico ad Facultatem fuerunt delatae, & mysterium Sanctissimæ Trinitatis, Sacramentorum necessitatem, fidemque Catholicam concernebant, earumque prima erat hæc: *Julius Cæsar æque perfectus erat, ac Christus Dominus.* Censura: hæc propositio est impia: blasphemæ, hæretica, & abominanda.

II. Sanctissima Trinitas est veluti subligaculum, quod ex triplici sutura compositum nonnisi unicam uestem efficit.